

I. Սույն թվականի մարտի 15-ին տեղի ունեցավ Բանկի բաժնետերերի հեռակա քվեարկությամբ արտահերթ ժողովը:

Բանկի հեռակա քվեարկությամբ արտահերթ ժողովին մասնակցելու իրավունք ունեցող բաժնետերերի ցուցակը կազմված է առ 2019թ. փետրվարի 06-ը, ըստ բաժնետերերի ռեեստրի տվյալների:

Հեռակա քվեարկությամբ արտահերթ ժողովի օրակարգում ընդգրկված էին հետևյալ հարցերը՝

Օրակարգ

1. Բանկի բաժնետերերի հեռակա քվեարկությամբ արտահերթ ժողովի հաշվիչ հանձնաժողովի մասին:

2. Բանկի արտոնյալ բաժնետոմսերի թողարկման բաժանորդագրության արդյունքներով բանկի կանոնադրական կապիտալը 25,635,343,200 ՀՀ դրամ հաստատելու մասին:

3. Բանկի Կանոնադրության փոփոխված տարբերակի վերաբերյալ:

Ժողովը հաստատեց.

Բանկի արտոնյալ բաժնետոմսերի թողարկման բաժանորդագրության արդյունքներով բանկի կանոնադրական կապիտալը 25,635,343,200 ՀՀ դրամ:

Բանկի Կանոնադրության լրամշակված տարբերակը:

II. «ՀԱՅԷԿՈՆՈՄԲԱՆԿ» ԲԲԸ Խորհրդով 15.03.2019թ. նիստում որոշում է կայացրել թողարկել և տեղաբաշխել 6,000,000 (վեց միլիոն) ԱՄՆ դոլար ընդհանուր ծավալով, 100 (մեկ հարյուր) ԱՄՆ դոլար անվանական արժեքով, արժեկտրոնների եռամսյակային վճարումների պարբերականությամբ, 60,000 (վաթսուն հազար) հատ ոչ փաստաթղթային, անվանական, արժեկտրոնային պարտատոմսեր և 1,000,000,000 (մեկ միլիարդ) ՀՀ դրամ ընդհանուր ծավալով, 10,000 (տասը հազար) ՀՀ դրամ անվանական արժեքով, արժեկտրոնների եռամսյակային վճարումների պարբերականությամբ, 100,000 (հարյուր հազար) հատ ոչ փաստաթղթային, անվանական, արժեկտրոնային պարտատոմսեր:

Պարտատոմսերի տեղաբաշխմանը և մարմանը վերաբերող վերջնական պայմանները (յուրաքանչյուր տրանշի տեղաբաշխման ծավալը, պարտատոմսերի քանակը, արժեկտրոնի մեծությունը, շրջանառության ժամկետը, տեղաբաշխման սկիզբը և ավարտը) ենթակա են որոշման Բանկի Վարչության կողմից: Տեղաբաշխման ավարտից հետո պարտատոմսերը ցուցակվելու են «Հայաստանի ֆոնդային բորսա» ԲԲԸ-ում և ունենալու են շուկա ստեղծող: